

CONVENIO DE COLABORACIÓN ENTRE A EXCMA. DEPUTACIÓN PROVINCIAL DE PONTEVEDRA E O EXCMO. CONCELLO DE PAZOS DE BORBÉN PARA A EXECUCIÓN DO PROXECTO “ENSANCHE E MELLORA DA SEGURANZA VIARIA NA EP 2702 AMOEDO – OS VALOS DENDE O P.Q. 6+550 ATA O P.Q. 7+980. CONCELLO DE PAZOS DE BORBÉN”.

INTERVEÑEN

Luis López Diéguez, na súa condición de presidente da Deputación de Pontevedra, actuando en virtude da competencia que lle atribúe o artigo 34.1.b) da Lei 7/1985, de 2 de abril, reguladora das bases do Réxime local.

Xosé Luciano Otero Camiña, alcalde do Concello de Pazos de Borbén, actuando en virtude das facultades representativas que lle atribúe o artigo 21.1.b) da Lei 7/1985, de 2 de abril, reguladora das bases do Réxime local.

Carlos Cuadrado Romay, secretario xeral da Deputación Provincial de Pontevedra, dando fe do acto. Ambas partes reconécese con capacidade para formalizar o presente convenio, en base ós principios de colaboración, cooperación, coordinación e eficacia que deben presidir as actuacións das Administracións Públicas.

MANIFESTAN

I.- Que os convenios entre as Administracións Públicas constitúen o instrumento adecuado para desenvolver a súa cooperación en cuestións de interese común, tal como establecen os art. 47 e seguintes da Lei 40/2015, de 1 de outubro, de Réxime Xurídico do Sector Público, 57 da Lei 7/85, de 2 de abril, reguladora das bases do Réxime local e 198 e seguintes da Lei 5/97, de 22 de xullo, de Administración local de Galicia.

II.- Que a Deputación de Pontevedra, está concienciada sobre a necesidade de aumentar a seguranza viaria en toda a rede de estradas da provincial, facendo especial fincapé nos tramos que transcorren por espazos urbanos ou núcleos rurais dos distintos concellos, dando cumprimento a asistencia que debe prestar segundo disposto no artigo 36 da Lei 7/85, de 2 de abril, reguladora das bases de réxime local. Por ese motivo, o organismo provincial quere levar a cabo intervencións neste senso no seu propio viario e está a facer una replanificación profunda e conceptual das actuacións en materia de mobilidade, con especial fincapé na protección dos colectivos máis vulnerables: peóns, ciclistas e persoas con mobilidade reducida. O obxectivo é conformar un contorno viario seguro e tranquilo, fomentando a convivencia de todos os medios de transporte e sistemas de desprazamento, así como repartir de xeito equitativo o espazo público. Quérese garantir que vías provinciais ofrezan unha mobilidade universal nun espazo continuo de seguranza viaria.

III.- Que segundo dispoñen os artigos 26.1 da Lei 7/1985, de 2 de abril, reguladora das bases do réxime local e 81 da Lei 5/1997, de 22 de xullo, de Administración local de Galicia, os municipios deberán prestar ós seus cidadáns, determinados servizos públicos en función da súa poboación.



IV.- Que o artigo 36 da Lei 7/1985 e os artigos 109 e 110 da Lei 5/1997 encomendan ás deputacións a que dirixan a súa actividade a asegurar a prestación integral e adecuada dos servizos de competencia municipal, a tal efecto, e co fin de posibilitar a consecución real e efectiva dos mesmos, é polo que se instrumenta o presente convenio dirixido ó cumprimento das obrigacións impostas pola normativa vixente.

V.- A Deputación de Pontevedra é titular da estrada provincial E.P. 2702 Amoedo – Os Valos, que transcorre polo Concello de Pazos de Borbén e que ten unha lonxitude de 7.980 m.

VI.- A E.P. 2702 que conecta Amoedo con Os Valos é de dobre sentido de circulación e de sección variable. O treito comprendido entre o P.Q. 6+550 e o P.Q. 7+980 atópase na saída do núcleo de Alvite e termina na zona de Os Valos discorrendo a meirande parte do treito por zona de monte, e presentando a estrada dobre sentido de circulación cun ancho insuficiente e sen beiravías que afecta á seguridade dos usuarios da vía. A maiores existen algunhas aliñacións curvas moi pechadas que dificultan a circulación cómoda e segura. Adicionalmente, a estrada presenta certo tráfico pesado dado que comunica as instalacións industriais existentes na estrada provincial coa nacional N-550. Debido a situación actual, a Deputación de Pontevedra decide contratar a redacción do proxecto de “ENSANCHE E MELLORA DA SEGURANZA VIARIA NA EP 2702 AMOEDO – OS VALOS DENDE O P.Q. 6+550 ATA O P.Q. 7+980. CONCELLO DE PAZOS DE BORBÉN” para dotar a zona dunha maior seguridade viaria.

As actuacións propostas teñen por finalidade mellorar a seguranza viaria de tódolos usuarios da vía polo que se proxecta incrementar a sección da estrada, dotándoa de carrís máis amplos e beiravías, con melloras puntuais de trazado, executando tamén unha cuneta transitible que mellore a eventual mobilidade peonil.

Tendo en conta as características actuais do ámbito das obras descritas, o proxecto contempla, do P.Q. 6+550 ata o P.Q. 7+660, o ensanche da calzada existente e renovación a capa de rodaxe, incluíndo a mellora puntual do trazado. Dende o P.Q. 7+660 ata o final da actuación se contempla a mellora da capa de rodaxe mantendo a sección existente.

Adicionalmente, o proxecto inclúe a execución da rede de recollida de augas pluviais e a canalización para protección de tubaxes existentes de abastecemento de augas. Executarase ademais a renovación da sinalización horizontal e vertical así como a instalación de barreiras de seguridade nos treitos que sexa necesario.

Con fundamento en canto queda exposto, e sendo patente a vontade de colaboración das entidades comparecentes, ámbalas dúas partes acordan a subscrición do presente convenio, consonte ás seguintes:

CLÁUSULAS

Primeira.- Obxecto

O obxecto do presente convenio é establecer as condicións que rexerán a colaboración entre a Deputación de Pontevedra e o Concello de Pazos de Borbén para a execución do proxecto de “ENSANCHE E MELLORA DA SEGURANZA VIARIA NA EP 2702 AMOEDO – OS VALOS DENDE O P.Q. 6+550 ATA O P.Q. 7+980. CONCELLO DE PAZOS DE BORBÉN”.

O proxecto establece a mellora das condicións de seguridade mediante o ensanche da plataforma existente e



renovación do firme con melloras puntuais do trazado, incluíndo unha cuneta transitable, renovando a sinalización horizontal e vertical e instalando barreiras de seguridade onde sexa preciso. A maiores, o proxecto contempla a execución da rede de pluviais e a canalización para protección de tubaxes existentes de abastecemento de augas.

Segunda.- Importe da actuación.

O importe o que se refire a presente actuación ascende a setecentos noventa e tres mil setecentos setenta e tres euros con dous céntimos (793.773,02€), máis cento sesenta e seis mil seiscentos noventa e dous euros con trinta e tres céntimos (166.692,33€) en concepto de IVE, o que ascende a un orzamento total de novecentos sesenta mil catrocentos sesenta e cinco euros con trinta e cinco céntimos (960.465,35€).

Adicionalmente, a estimación do importe das expropiacións necesarias é de corenta mil cento corenta e nove euros con sesenta e sete céntimos (40.149,67€).

Terceira.- Financiamento.

Os investimentos necesarios para a realización das mencionadas obras serán financiados pola Deputación de Pontevedra mediante a achega das cantidades relacionadas de seguido:

Organismo	Achega	%
Deputación de Pontevedra	960.465,35 €	100
TOTAL INVESTIMENTO	960.465,35 €	100

As expropiacións necesarias para a realización das mencionadas obras, situadas en Pazos de Borbén, serán financiadas polo Concello:

Organismo	Achega	%
Concello de Pazos de Borbén	40.149,67 €	100
TOTAL EXPROPLACIÓNS	40.149,67 €	100

A Deputación financiará a súa achega con cargo á aplicación 24/456.4530.612.02 do vixente Orzamento Provincial do ano 2024.

A achega do Concello de Pazos de Borbén será de 40.149,67 € (o importe resultante das expropiacións), pola que se xerará crédito na correspondente aplicación orzamentaria, se realizará mediante compromiso de consignación no respectivo orzamento co medio de financiamento que se considere máis axeitado á situación financeira do Concello.

O importe da achega do Concello financiado con fondos propios deberá selle ingresar á Deputación no primeiro trimestre do exercicio correspondente.

De selo caso de que se financie a cargo da subvención do Plan + Provincia, xerarase crédito na aplicación



orxamentaria que corresponda. O importe do financiamento con cargo a esta subvención está condicionado á aprobación do plan pola Deputación e por contía suficiente correspondente ao Concello de Pazos de Borbén.

Estas operacións deberán efectuarse, unha vez aprobado o convenio, e antes de aprobar o expediente de contratación correspondente por parte da Deputación de Pontevedra, debendo acreditarse naquel a plena dispoñibilidade de todas as achegas, tendo en conta o disposto no artigo 116.5 da LCSP.

De conformidade co disposto no artigo 116.5 da Lei 9/2017, de 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 (en diante, LCSP), unha vez aprobado o Convenio, e antes de aprobar o expediente de contratación correspondente, acreditarase a plena dispoñibilidade de todas as achegas que financian o investimento.

Os demais gastos derivados da actuación obxecto do presente convenio, tales como redacción do proxecto e os contratos de servizo accesorios para a dirección control e seguimento da execución de obras, recuamento de servizos ou o control arqueolóxico da mesma, serán financiados pola Deputación de Pontevedra.

Cuarta.- Incidencias no desenvolvemento da obra.

Calquera incidencia que poida xurdir no desenvolvemento das obras e se produza un incremento do custo por excesos de medición, revisión de prezos ou por causas imprevistas que obriguen a unha modificación do proxecto, será financiada de conformidade cos coeficientes dispostos na cláusula terceira. No caso de producirse unha diminución, sempre que a achega do concello sexa con cargo a fondos propios, será devolta a cantidade sobrante.

Quinta.- Obrigas do Concello.

O Concello de Pazos de Borbén obrígase a:

- 1) Obter as cesións dos terreos necesarios ao borde da estrada para poder acometer as obras segundo as necesidades indicadas no proxecto, a maiores das expropiacións previstas. A obtención das cesións será condición indispensable antes da aprobación inicial do proxecto construtivo e polo tanto en ningún caso se poderá iniciar a licitación da obra sen as mesmas.*
- 2) Antes da sinatura do presente convenio, o concello deberá achegar á Deputación de Pontevedra o compromiso do acordo adoptado polo órgano que legalmente teña atribuída a competencia conforme á lexislación propia do Réxime Local, á que fai referencia o apartado 1 anterior.*
- 3) Darlle a adecuada publicidade a este convenio, de tal xeito que quede constancia que a remodelación da infraestrutura se levou a cabo en colaboración coa Deputación de Pontevedra.*
- 4) Abonar o importe das expropiacións derivadas do presente convenio, incluídos os posibles incrementos de custo que se produzan nas mesmas durante a tramitación do expediente expropiatorio.*

Sexta.- Obrigas da Deputación Provincial de Pontevedra.

- 1) Correspóndelle a redacción do proxecto técnico para a execución das obras de “ENSANCHE E MELLORA DA SEGURANZA VIARIA NA EP 2702 AMOEDO – OS VALOS*



DENDE O P.Q. 6+550 ATA O P.Q. 7+980. CONCELLO DE PAZOS DE BORBÉN”, así como a licitación, dirección, execución e recepción das obras.

- 2) *A tramitación e xestión do expediente de expropiación para obter os terreos necesarios ao borde da estrada para poder acometer as obras segundo as necesidades indicadas no proxecto.*
- 3) *Correspóndelle a obriga de remitir a información sobre o presente convenio ao Consello de Contas en aplicación do establecido no artigo 53 da Lei 40/2015, de 1 de outubro, de Réxime Xurídico do Sector Público e da súa normativa de desenvolvemento.*

Sétima.- Compensación de débedas

O Concello de Pazos de Borbén faculta expresamente á Deputación para reter e compensar con cargo ás cantidades que lle poidan corresponder toda clase de débedas vencidas e pendentes de pago.

Oitava.- Comisión de seguimento e control.

Para o seguimento e control do cumprimento do presente convenio , así como para aclarar as dúbidas que suscite a súa interpretación, constitúese unha Comisión de Seguimento da que forman parte a presidenta, o alcalde ou persoas nas quen deleguen, o secretario xeral da Deputación de Pontevedra ou persoa na que delegue e un representante técnico de cada Administración.

As súas funcións, entre outras, serán as seguintes:

- *Impulsar e avaliar o cumprimento do presente convenio, proponendo as actuacións que se consideren precisas.*
- *Propoñer a interpretación, en caso de dúbida, do contido do mesmo.*
- *En caso de que xurdiran controversias na aplicación do convenio, propoñer ás partes a resolución das mesmas.*

Esta comisión reunirse dentro do prazo de tres días, a contar dende a petición expresa realizada por calquera das partes.

Novena.- Vixencia do convenio

O presente convenio entrará en vigor na data da súa firma e terá vixencia ata o remate das obras obxecto do mesmo, en todo caso ata o 31 de decembro de 2025.

A vixencia do presente convenio poderá prorrogarse coa conformidade expresa das partes intervenientes.

En calquera caso os efectos económicos do convenio entenderanse ata tres meses despois da liquidación do contrato da obra, unha vez rematado o período de garantía. Calquera incremento do custo neste período será financiado de conformidade cos coeficientes dispostos na cláusula terceira do convenio.

Décima.- Resolución.

Serán causas de resolución o incumprimento das obrigas derivadas deste convenio de conformidade co disposto na normativa vixente.

Undécima.- Normativa aplicable.

O presente convenio ten natureza administrativa, rexéndose polas cláusulas establecidas e:



- *Lei bases de réxime local, de 2 de abril, reguladora das bases de réxime local - Lei 5/97, de 22 de xullo, da Administración Local de Galicia.*
- *Lei 40/2015 de 1 de outubro, de réxime xurídico do sector público*
- *Bases reguladoras da execución do orzamento da Deputación de Pontevedra para o exercicio 2024.*
- *E demais normativa de obrigado cumprimento*

Asemade, as partes quedan sometidas á Xurisdición Contencioso-Administrativa, a falta de entendemento previo pola comisión citada na cláusula novena, na resolución de posibles controversias que puideran suscitar o incumprimento ou interpretación do convenio.

E en proba de canto antecede, as partes que interveñen asinan o presente convenio, na data da súa sinatura dixital.